

PROGRAM DERMA DARAH 'DARAH SATRIA' SUNTIK KESEDARAN UNTUK SEDIA BERKORBAN

12.8.2015 Rabu : Bahagian Pembangunan Pelajar, Jabatan Pendidikan Politeknik (JPP) bersama dengan iM4U PSP telah mengadakan Program Kempen Derma Darah "Darah Satria" bersempena dengan Sambutan Bulan Kemerdekaan di Dewan Seri Mutiara, PSP. Program yang dilaksanakan secara serentak di semua Politeknik seluruh Malaysia ini bermula pada 8.00 pagi dan berakhir pada 5.00 petang.

Seramai 406 orang telah bersama – sama menjayakan program ini. Mereka terdiri daripada 27 orang Ahli Jawatankuasa, 36 orang Sukarelawan iM4U dan 436 orang peserta yang juga penderma darah. Program yang terbuka kepada semua warga kerja dan pelajar Politeknik Seberang Perai serta Politeknik METrO Tasek Gelugor, juga masyarakat dari kawasan sekitar ini mendapat sambutan yang menggalakkan apabila seramai lebih daripada 400 orang peserta mengambil bahagian.

Program ini telah dipengerusikan oleh Encik Aswandi Bin Yaakob dan dibantu oleh Encik Mazlan Bin Che Mustapa selaku Ahli Jawatankuasa Program Derma Darah yang merupakan warga kerja PSP. Program tahunan ini telah mendapat kerjasama daripada Unit Transfusi Darah Hospital Pulau Pinang.

Seperti yang diketahui umum, Tabung Darah seluruh Malaysia amat memerlukan sumbangan derma darah daripada orang ramai. Diharapkan agar program ini dapat menyuntik kesedaran untuk sedia berkorban, sedia memberi kepada yang memerlukan dan semangat patriotisme dapat diterapkan di kalangan orang ramai, selaras dengan konsep bulan kemerdekaan.

Galeri



Pendaftaran dilakukan oleh sukarelawan bagi peserta sebelum mereka menderma



Peralatan dan kelengkapan yang diperlukan untuk menderma darah



Pemeriksaan dijalankan oleh para petugas kesihatan





Proses menderma darah berjalan dengan lancar